

## Nunatsinni Nakorsaaneqarfik

Angajoqqaanut paasissutissiissut

### Unngut (molluscum contagiosum)

*Unngunittoqarsimammatt* ilitsersuut atuaruk meeqqallu unngunissimappat sulisut tamatuminnga ilisimatikkit.

Unnguninneq ammikkut nappaataavoq tappiorannartumik virus-imik patsiseqartoq.

#### Tunillatsinneq

Unngut attorlugit tuniluuttarput.

Tunillaasinnaaffik: Unnguninnermiit nakorsartilernerup tungaanut.

#### Nappaammut ersiutit

Tunillatsinnermiit unnguninneq: oqaatigiuminaappoq sapaatilli akunneri arlaliugunarlutik.

Ammikkut tinupanerit 2-3 mm-isut atsigisut ammallorissup affaatut isikkullit qitermikkut qumariartortut takkuttarput. Meeraaqqat unngorpassuaqalersinnaasarpur meeqqalli annerit tallimaniit qulinut amerlassusilinnik unngoqalersinnaasarlutik.

#### Nakorsartinneq

Nappaat isumaminik qaangiuttarpoq ukiulli affaaniit ukiut marluk pallillugit sivissuseqarsinnaasarluni. Unngut taakku qeritillugit kiliorlugit piarneqarsinnaappur kvælstof-imilluunniit imerpalasumik qeritillugit peerneqarsinnaallutik. Meeqqani mikinerusuni nungujartortitsisartumik sakkukitsumik tanillugit immikkut ilisimasalimmit peerneqarsinnaappur.

#### Meeqquerivimmukaqqinnissaq

Killilersorneqanngilaq.